



COMUNU DE CABUDERRA

Tzitadi Metropolitana de Casteddu

Proposta 13
de su 04.01.2023

DETERMINAZIONI DE SU RESPONSÀBILI Setori N.4 – Politzia Munitzipali

OGETU: *AUTORIZAZIONI A S' OCUPATZIONI DE LOGU PÙBLICU IN BIA DE TRENTO N. 22 PO TRABALLUS IN UN' AFACIADA, DE SU 10/01/2023 A SU 30/01/2023.*

REGISTRU GENERALI N. 4 DE SU 09/01/2023

SU RESPONSÀBILI DE SU SETORI

Biu su Regulamentu Comunali po s' aplicatzioni de s' imposta asuba de is àreas pùblicas n. 12 de su 09.02.1995;

Cunsideraus is artìculus de su Còdixi de sa strada art. 7, 20 e su Regulamentu de esecutzioni;

Bida sa domanda PROT. N° 540 de su 04/01/2023, po otenni s' autorizatzioni po su positzionamentu de unu pontègiu edili, in bia de TRENTO N. 22, po traballus de torratura a nou de un' afaciada, de su 10/01/2023 a su 30/01/2023;

Averiguaus is atus de su protzedimentu;

Cunsiderau su decretu sindacali n. 21 de su 06/05/2022, chi at giâu s' incàrrigu de positzioni organizativa po su servìtziu de Politzia Locali a sa sutascrita;

DETERMINAT

de cuntzèdiri s' ocupatzioni de àrea pùblica po nci ponni unu pontègiu in bia de Trento n. 22, de sa dii 10/01/2023 a sa dii 30/01/2023, de ora de is 08.00 fintzas a s'acabu de is traballus;

CUMANDAT

Chi po chistionis de seguresa sa dita traballit po:

- nci ponni is sinnalis stradalis, cunforma a su D.P.R. 495/1992: “Regulamentu de esecuzioni e de cumprida de su Còdixi de sa strada nou”;
- po mèdiu de su responsàbili de sa seguresa in su cantieri, de imperai is sinnalis stradalis po comunicai ca funt cumentzaus is traballus e de totu su chi serbit, a de dii e a de noti (che a luxis o àterus sinnalis) po s’ arrespetu de su chi ddoi at in custa ordinàntzia etotu;
- de ndi fai bogai custus sinnalis de s’ impresa, de chi is traballus ant a essi acabaus;
- de cunsiderai s’ impresa responsàbili in s’ in casu de dannus a s’ Aministratzioni Comunali o contra a àterus, po no ai sighiu custa ordinàntzia etotu o is normas in chistioni de cantieris stradalis.

Po totu su chi no nc’ at in custa ordinàntzia, s’ impresa si depit cunformai a su decretu interministeriali de su 04 de martzu 2013, chi pertocat sa seguresa de sa sinnalètica in is cantieris de traballu (G.U 67 de su 20.03.2013). Totu is fartas contra a sa seguresa stradali, totu is omissionis pertocantis sa sinnalètica, sa mantenidura e sa funtzioni cosa sua, a de dii e a de noti e in s’ in casu de pagu visibilitadi, su de no torrai che a primu sa strada de chi s’ ant a acabai is traballus, previdint, cunforma a s’ art. 21 de su D.L.gs n. 285/1992, sa santzioni amministrativa in dinai de unu minimu de € 868,00 fintzas a unu màssimu de € 3.471,00, e sa santzioni atzessòria de òbligu de torrai che a primu su logu interessau a is traballus.

Is ufizialis e is agentis de Politzia Stradali e totu is sugetus interessaus a manera istituzionali, cunforma a s’art. 12 de su D.L.gs. 30 de abrili 1992 n. 285, tenint s’ incàrrigu de sa vigilàntzia e finas de averiguai s’arrespetu de custa ordinàntzia etotu.

SA RESPONSÀBILI DE SU SETORI
Roberta Maxia